

- Izvještaj o radu Uprave policije MUP-a Kantona Sarajevo za mjesec juli 2017. godine -

KRIMINALITET

OSNOVNI STATISTIČKI POKAZATELJI KRIMINALITETA

U mjesecu julu 2017. godine, na području Kantona Sarajevo registrovana su 324 krivična djela što je za 27 ili 7,7% manje u odnosu na isti mjesec prethodne godine.

Od ukupnog broja registrovanih krivičnih djela, 169 ili 52,2% izvršeno je od strane poznatih, a 155 ili 47,8% od strane nepoznatih izvršilaca.

Za 42 djela ili 27,1% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 15 krivičnih djela iz izvještajnog, a 27 iz ranijeg perioda.

Iz naprijed navedenog proizilazi da su službenici Uprave policije MUP-a KS u mjesecu julu 2017. godine za ukupno 211 krivičnih djela ili 65,1%, identifikovali osumnjičene izvršioce. U istom mjesecu prethodne godine ukupna rasvijetljenost je iznosila 65,2%.

OSNOVNI STATISTIČKI POKAZATELJI KRIMINALITETA U MJESECU JULU 2017/16. GODINE

mjesec	Broj KD			Broj djela za koja su naknadno identifikovani osumnjičeni izvršioci Broj prijavljenih lica		Lišeno slobode			
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
JULI 2017.	324	169	155	42	27	191	8	111	85
JULI 2016.	351	139	212	90	26	182	7	115	80
<i>uporedba</i>	-27	30	-57	-48	1	9	1	-4	5
	-7,7%	21,6%	-26,9%	-53,3%	3,8%	4,9%	14,3%	-3,5%	6,3%

Zbog postojanja osnova sumnje da su počinili krivična djela prijavljeno je 191-no lice (devet više), od čega je 111 povratnika (četiri manje) u izvršenju krivičnih djela (ili 58,1%), osam maloljetnika (jedan više) i 85 lica je lišeno slobode (pet više).

PREGLED KRIMINALITETA NA PODRUČJU KANTONA SARAJEVO U MJESECU JULU 2017/16. GODINE POSMATRANO PO GLAVAMA KZ FBiH-a (SL. NOVINE FBiH-a BR. 36/03) I KZ BiH-a (SL. GLASNIK BiH-a BR.3/03)

KRIVIČNA DJELA	JULI 2017.	JULI 2016.	UPOREDBA		RASVJ. JULI 2017. god.	
			+/-	%	BROJ KD	%
Protiv ustavnog poretka Federacije	1	0	1	---	1	100%
Protiv života i tijela	11	10	1	10%	11	100%
Protiv slobode i prava čovjeka i građanina	15	17	-2	-11,8%	13	86,7%
Protiv braka, porodice i mladeži	22	10	12	120%	22	100%
Protiv zdravlja ljudi	54	26	28	107,7%	54	100%
Protiv privrede poslovanja i sigurnosti platnog prometa	0	3	-3	---	0	---
Protiv imovine	180	235	-55	-23,4%	74	41,1%
Protiv opće sigurnosti ljudi i imovine	7	7	0	isto	4	57,1%
Protiv sigurnosti javnog prometa	5	11	-6	-54,5%	5	100%
Protiv pravosuđa	0	9	-9	----	0	---
Protiv javnog reda i pravnog prometa	16	15	1	6,7%	14	87,5%
Protiv podmićivanja i krivična djela protiv službene i druge odgovorne funkcije	3	0	3	---	3	100%
Protiv privrede i jedinstva tržišta te kd iz oblasti carina (KZBiH)	2	0	2	----	2	100%
Zakon o nabavljanju, držanju i nošenju oružja i municije (Sl.novine KS br. 38/07)	8	8	0	isto	8	100%
UKUPNO	324	351	-27	-7,7%	211	65,1%

U mjesecu julu 2017. godine u odnosu na isti mjesec prethodne, zabilježeno je smanjenje broja registrovanih krivičnih djela za 27 ili 7,7%. Smanjenje je zabilježeno u oblasti protiv imovine (za 55 djela), zatim pravosuđa (za devet), sigurnosti javnog prometa (za šest), itd. dok je povećanje evidentirano u oblastima protiv zdravlja ljudi (za 28), braka, porodice i mladeži (za 12), krivičnih djela protiv "podmićivanja" (za tri), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom izvještajnog mjeseca u ovoj oblasti evidentirano je 11 krivičnih djela (jedno više u odnosu na juli 2016. godine) i to: teška tjelesna ozljeda – šest (dva više) i lahka tjelesna ozljeda – pet (dva više).

Sva djela iz ove oblasti su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 15 lica, od kojih je 10 povratnika ili 66,7%, a osam je lišeno slobode.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 15 krivičnih djela (dva manje) - ugrožavanje sigurnosti za čije je izvršenje prijavljeno 15 lica od kojih je devet povratnika ili 60%, a tri su lišena slobode.

Krivična djela ugrožavanja sigurnosti počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirana su 22 djela (12 više) - nasilje u porodici, a zbog postojanja osnova sumnje da su počinili ova djela prijavljeno je 21-no lice, od kojih je 13 povratnika (ili 61,9%), a deset je lišeno slobode.

KRIVIČNA DJELA PROTIV ZDRAVLJA LJUDI

Prijavljena su 54 krivična djela iz oblasti protiv zdravlja ljudi (28 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – šest,
- posjedovanje i omogućavanje uživanja opojnih droga (čl. 239. KZ FBiH) – 47 djela i
- nesavjesno liječenje - jedno djelo.

Zbog postojanja osnova sumnje da su počinili navedena djela podneseni su službeni izvještaji protiv 54 lica od kojih su 32 povratnika ili 60,7% , a 35 je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv šest lica zbog postojanja osnova sumnje da su u proteklom periodu u više navrata kupovali opojnu drogu „Marihuanu“ i „Amfetamin“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv ukupno 47 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, "Amfetamin", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

Pregled oduzete količine opojnih droga u mjesecu Julu 2017/16. godine

VRSTA OPOJNE DROGE	Juli 2017.godina	Juli 2016. godina
Marihuana (paketići)	35	5
Marihuana (u gramima)	---	2.317,00
Marihuana (JOINT - cigarete)	12	---
Heroin (paketići)	2	4
Heroin (u gramima)	---	300
Ecstasy (tablete)	6,5	552
Amfetamin (u gramima)	---	314
Amfetamin (paketići)	20	13
Kokain (paketići)	1	---
Kokain (u gramima)	----	40
pribor sa ostacima droge (kom.)	---	7

U cilju pronalaska narkotičkih sredstava izvršen je pretres 49 lica (37 više), dva stambena objekta, većeg broja automobila, itd. po usmenim naredbama Opštinskog suda u Sarajevu.

KRIVIČNA DJELA PROTIV IMOVINE

U izvještajnom mjesecu, registrovano je 180 krivičnih djela protiv imovine, što je za 55 djela ili 23,4% manje u odnosu na isti mjesec prošle godine. Među djelima iz ove oblasti najbrojnija su: teška krađa – 104 djela (42 manje), krađa – 26 (četiri manje), razbojništvo – 27 (jedno više), oštećenje tuđe stvari – 15 (dva više), teška krađa u pokušaju – dva (isto), itd.

Za ukupno 74 ova djela ili 41,1% identifikovan je osumnjičeni izvršilac što je za 6,6% manja rasvijetljenost imovinskih delikata u odnosu na juli prethodne godine.

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i “provale” u ista) - 58 slučaja, zatim slijede stambeni objekti - 28, poslovni prostori - 15, itd.

Na području Kantona Sarajevo u mjesecu julu ove godine izvršena su 44 krivična djela teških krađa motornih vozila od čega je 16 ili 36,4% pronađeno i vraćeno vlasnicima (od strane policije MUP-a KS vraćena su tri vozila, MUP RS-a – dva, drugih MUP-ova - četiri i vlasnici su sami pronašli – sedam vozila).

Broj teških krađa motornih vozila, smanjen je za tri ili 6,4%.

Prijavljeno je 26 krivičnih djela krađe (četiri manje), koja su izvršena 10 puta u poslovne prostorije, šest u stambene, tri puta u vozila i na stajališta GRAS-a, četiri puta na ulici, itd. odakle su otuđivani novčanici, mobiteli, hidranti, kozmetika, alat, itd.

U mjesecu julu 2017. godine, registrovano je 27 krivičnih djela razbojništva (jedno više), od čega je za 15 ili 55,6% djela identifikovan osumnjičeni izvršilac (što je za 1,1% manje).

Ova djela izvršena su prijetnjom upotrebe vatrenog oružja - šest puta, prijetnjom upotrebe noža ili drugog oštrog predmeta – devet i upotrebom fizičke snage – 12 puta, a počinjena su u poslovnim objektima ina ulicama – po devet puta, u sportskim kladionicama - četiri, u apotekama - dva, itd. Otuđivan je novac, mobiteli, nakit i dva putnička-motorna vozila.

Zbog postojanja osnova sumnje da su počinili navedena djela nadležnom tužilaštvu podneseni su službeni izvještaji protiv devet lica (svi su povratnici u činjenju krivičnih djela), a osam je lišeno slobode.

Evidentirano je devet krivičnih djela teških krađa na naročito opasan ili naročito drzak način (tri manje), u kojima su izvršioc, upotrebom fizičke snage – osam puta, te verbalnom prijetnjom u jednom slučaju, otimali mobitele, nakit i novac. Ova djela izvršena su na otvorenom prostoru (ulica i park) - šest puta te po jedno u sportskoj kladionici, apoteci i prodavnici.

Za četiri djela ili 44,4% identifikovani su osumnjičeni izvršioc (19,4% više), a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv dva lica povratnika u činjenju krivičnih djela.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je sedam djela (isti broj) i to: izazivanje opće opasnosti - šest i izazivanje opće opasnosti u pokušaju - jedno djelo, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica od kojih je jedan povratnik u činjenju krivičnih djela.

Krivična djela izazivanja opće opasnosti izvršena su na otvorenom prostoru pet puta i jedno u stubištu stambene zgrade. U dva slučaja radilo se o ispaljivanju hitaca iz vatrenog oružja u zrak i četiri puta je otvorenim plamenom izazvan požar. Posljedica izvršenja navedenih djela je nastala materijalna šteta i uznemirenost građana.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 16 krivičnih djela (jedno više) i to: nasilničko ponašanje - devet, napad na službenu osobu u vršenju poslova sigurnosti - tri, sprječavanje službene osobe u vršenju službene radnje, nedozvoljeno držanje oružja ili eksplozivnih materija, samovlašće i povreda mira pokojnika – po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 23 lica, od kojih je 10 povratnika, a četiri su lišena slobode.

KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca jula 2017. godine, prijavljeno je **osam maloljetnih lica** zbog postojanja osnova sumnje da su učestvovali u izvršenju **sedam krivičnih djela**. U odnosu na isti mjesec prethodne godine, broj maloljetnih izvršilaca povećan je za jedan ili 14,3%, a broj krivičnih djela za čije izvršenje su prijavljeni maloljetnici smanjen je za četiri ili 36,4%.

Prema starosnoj strukturi, jedno maloljetno lice je u dobi do 14 godina, četiri maloljetnika su u dobi od 14 do 16 godina, a tri su u dobi između 16 i 18 godina, dok je jedan maloljetnik povratnik u izvršenju krivičnih djela.

Posmatrano po policijskim upravama, najveći broj službenih izvještaja koji su podneseni nadležnom tužilaštvu zbog krivičnih djela učinjenih od strane maloljetnih lica podnijeli su policijski službenici Druge i Treće policijske uprave (po dva). Maloljetni učinioци prijavljeni su za izvršenje dva krivična djela nasilničko ponašanje i po jedno djelo lahka tjelesna ozljeda, ugrožavanje sigurnosti, posjedovanje i omogućavanje uživanja opojnih droga, pokušaj razbojništva i teška krivična djela protiv sigurnosti javnog prometa.

Struktura krivičnih djela izvršenih od strane maloljetnih lica u julu 2017/16. godine

Naziv krivičnog djela	juli 2017.	juli 2016.	+ - %
lahka tjelesna povreda	1	1	isto
ugrožavanje sigurnosti	1		1
posjed. i omogućav. uživanja op. droga	1		1
razbojništvo		7	-7
pokušaj razbojništva	1	1	isto
teška krivična djela protiv sigurnosti javnog prometa	1		1
teška krivična djela protiv opće sigurnosti ljudi i imovine		1	-1
nasilničko ponašanje	2		2
52 zondinom (posjedovanje oružja bez odobrenja)		1	-1
UKUPNO	7	11	-4 ili 36,4%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca jula 2017. godine nije bilo registrovanih slučajeva aktiviranja minsko-eksplozivnih sredstava (jedan slučaj u istom mjesecu 2016. godine).

U proteklom mjesecu nije bilo evidentiranih anonimnih dojava o postavljenoj eksplozivnoj napravi (kao ni u istom mjesecu 2016. godine).

POŽARI

Tokom mjeseca jula 2017. godine, na području Kantona Sarajevo registrovano je 10 požara (isto), koji su za posljedicu imali materijalnu štetu.

Prema statističkim pokazateljima, četiri požara su izazvana namjerno, dva zbog tehničkih nedostataka, jedan požar je izazvan nehatom, dok uzroci tri požara spadaju u kategoriju ostalih.

Zbog izazivanja požara, nadležnom tužilaštvu su podnesena četiri službena izvještaja iz člana 323 KZ FBiH (izazivanje opće opasnosti) i jedan službeni izvještaj iz člana 301 KZ FBiH (paljevina).

SAMOUBISTVA

U mjesecu julu 2017. godine, registrovana su četiri samoubistva (tri više), izvršena na sljedeće načine: vješanjem, upotrebom vatrenog oružja, skokom sa visine i presijecanjem vena – po jedan put. Izvršioi su tri muškarca i jedna žena. Muškarci su sljedeće starosne dobi: 22, 54 i 79 godina, dok je žena starosti 68 godina.

JAVNI RED I MIR

Zbog raznih oblika narušavanja javnog reda i mira u toku mjeseca jula 2017. godine, policijski službenici Uprave policije MUP-a Kantona Sarajevo su preduzeli ukupno **376 prekršajnih sankcija** (prekršajnih naloga - 259, zahtjeva za pokretanje prekršajnog postupka - 117), protiv **425 učinioaca**. U odnosu na mjesec juli 2016. godine, broj prekršajnih sankcija smanjen je za 242 ili 39,2%, a broj učinilaca prekršaja smanjen je za 226 ili 34,7%.

Na prekršaje utvrđene Zakonom o prekršajima protiv javnog reda i mira odnosi se 309 ili 82,2% naloga i zahtjeva, a na prekršaje koji su utvrđeni Odlukom općinskih vijeća 67 ili 17,8%.

Od ukupnog broja prekršajnih sankcija, 53 ili 14,1% se odnosi na lica koja su i ranije činila prekršaje (povratnici), četiri na maloljetna lica i jedna na strane državljane.

Prema starosnoj strukturi lica protiv kojih su preduzete prekršajne sankcije, od njih 425 najbrojniji su oni starosne dobi preko 36 godina (206), zatim između 26 i 35 godina (140) i između 19 i 25 godina (72), dok je maloljetnih izvršilaca bilo sedam.

Prema strukturi prekršaja, najveći broj prekršajnih sankcija preduzet je zbog prekršaja koji su učinjeni **prosjačenjem - 127 ili 33,8%** od ukupnog broja, a znatno manje zbog naročito drskog ponašanja (50 ili 13,3%), tuča (44 ili 11,7%), te odbijanja naređenja i omalovažavanja policijskih službenika (28 ili 7,4%). Zbog prekršaja učinjenih svađom, vikom i nepristojnim ponašanjem preduzeto je pet, a zbog ostalih prekršaja iz oblasti javnog reda i mira preduzeto je 55 prekršajnih sankcija. Zbog prekršaja koji su sankcionisani Odlukom općinskih vijeća o javnom redu i miru preduzeto je 67 prekršajnih sankcija.

Tabelarni pregled strukture prekršaja iz oblasti javnog reda i mira
za mjesec juli 2017/2016. godine

STRUKTURA PREKRŠAJA	JULI 2017.	JULI 2016.	+ - %
UKUPNO prekršajnih naloga i zahtjeva za ppp	376	618	-242 ili 39,2%
UKUPNO lica	425	651	-226 ili 34,7%
Prekršaji prema Zakonu o prekršajima protiv JRiM:	309	555	-246 ili 44,3%
-Tuča	44	57	-13 ili 22,8%
-Naročito drsko ponašanje	50	65	-15 ili 23,1%
-Odbijanje naređenja i omalovažavanje pol. služb.	28	40	-12 ili 30%
-Prosjačenje	127	320	-193 ili 60,3%
-Paljenje petardi		2	-2
-Svađa, vika, nepristojno ponašanje	5	10	-5 ili 50%
-Ostali prekršaji	55	61	-6 ili 9,8%
Ukupno naloga/ zahtjeva prema Odluci o.v. o JRM	67	63	4 ili 6,3%

U odnosu na isti mjesec prethodne godine, povećan je broj prekršajnih sankcija preduzetih zbog prekršaja koji su regulisani Odlukom općinskih vijeća, a u svim ostalim slučajevima taj broj je smanjen.

Posmatrano po mjestu izvršenja, najveći broj prekršaja iz oblasti javnog reda i mira izvršen je **na ulici i na drugim otvorenim prostorima - 318 ili 84,6%**, a znatno manje u ugostiteljskim objektima – 24, na sportskim terenima – osam, u školama – četiri, u trgovinskim radnjama – dva i na ostalim mjestima - 20.

Tabelarni pregled broja uručenih/podnesenih naloga i zahtjeva prema mjestu izvršenja u mjesecu julu 2017/2016. godine

MJESTO IZVRŠENJA	JULI 2017.	JULI 2016. + - %	
<i>Ulica i drugi otvoreni prostor</i>	318	559	-241 ili 43,1%
<i>Ugostiteljski objekti</i>	24	44	-20 ili 45,5%
<i>Sportski stadioni i dvorane</i>	8	5	3 ili 60%
<i>Škole (školska dvorišta)</i>	4	1	3 ili 300%
<i>Trgovinske i zanatske radnje</i>	2	1	1 ili 100%
<i>Ostala mjesta</i>	20	8	12 ili 150%
UKUPNO	376	618	-242 ili 39,2%

U odnosu na mjesec juli 2016. godine, smanjen je broj prekršajnih sankcija zbog prekršaja izvršenih na ulici i drugim otvorenim prostorima i u ugostiteljskim objektima, dok je na svim ostalim mjestima registrovano povećanje broja izvršenih prekršaja.

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u istom mjesecu 2016. godine), dok je lakše povrijeđeno 20 lica (dva ili 9,1% manje).

Policijski službenici su preduzimali planske i organizovane aktivnosti na osiguranju 153 javna skupa na području Kantona Sarajevo (58 ili 61,1% više u odnosu na juli 2016. godine), a u 73 slučaja izvršeno je KDZ osiguranje ovih skupova (osam ili 12,3% više). Održavanje javnih skupova proteklo je bezbjedno i bez incidenata.

SAOBRAĆAJ

Tokom mjeseca jula 2017. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda i nezgoda sa materijalnom štetom, dok je smanjen broj nezgoda sa nastradalim licima i broj povrijeđenih lica.

Registrovano je 995 saobraćajnih nezgoda (13 ili 1,3 % više), 921 sa materijalnom štetom (18 ili 2 % više) i 74 sa nastradalim licima (pet ili 6,3 % manje).

U naselju je registrovano 938 saobraćajnih nezgoda (67 sa povrijeđenim licima i 871 sa materijalnom štetom), van naselja 57 nezgoda (sedam sa povrijeđenim licima i 50 sa materijalnom štetom).

Evidentirane su 173 saobraćajne nezgode na raskrsnicama u naselju, 68 na raskrsnicama van naselja, sedam na pješačkom prelazu, tri na nadvožnjaku i 744 saobraćajne nezgode čije se karakteristike ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo za mjesec jula 2017./2016. godina

	juli 2017.	juli 2016.	+ ,-, %
UKUPNO SAOBRAĆAJNIH NEZGODA	995	982	+ 13 ili 1,3 %
Saobraćajne nezgode sa nastradalim licima	74	79	- 5 ili 6,3 %
Saobraćajne nezgode sa materijalnom štetom	921	903	+ 18 ili 2 %
POGINULO LICA	0	2	- 2
- vozači	0	1	- 1
-putnici	0	1	- 1
- pješaci	0	0	----
POVRIJEĐENO LICA	95	115	- 20 ili 17,4 %

- vozači	45	53	- 8 ili 15,1 %
- putnici	31	34	- 3 ili 8,8 %
- pješaci	19	28	- 9 ili 32,1 %

POSljedICE SAOBRAĆAJNIH NEZGODA

Tokom mjeseca jula 2017. godine, u saobraćajnim nezgodama na području Kantona Sarajevo 95 lica je povrijeđeno (20 ili 17,4 % manje), 15 teže i 80 lakše. Poginulih lica nije bilo (u istom mjesecu prošle godine dva lica su poginula).

Među povrijeđenim licima evidentirano je:

- 45 vozača (osam manje)
- 31 putnik (tri manje)
- 19 pješaka (devet manje)

Tabelarni pregled nastradalih lica u saobraćajnim nezgodama po kategoriji učesnika za mjesec juli 2017./2016. godina

	POGINULI			TEŠKO POVRIJEĐENI			LAKŠE POVRIJEĐENI		
	juli 2017.	juli 2016.	+,-,%	juli 2017.	juli 2016.	+,-,%	juli 2017.	juli 2016.	+,-,%
VOZAČI	0	1	- 1	6	7	- 1 ili 14,3 %	39	46	- 7 ili 15,2 %
PUTNICI	0	1	- 1	3	6	- 3 ili 50 %	28	28	isto
PJEŠACI	0	0	-----	6	11	- 5 ili 45,4 %	13	17	- 4 ili 23,5 %
UKUPNO	0	2	- 2	15	25	- 10 ili 40 %	80	91	- 11 ili 12,1 %

Kada je u pitanju stepen povreda, šest vozača je teže, a 39 lakše povrijeđeno, tri putnika su teže, a 28 lakše povrijeđena, dok je šest pješaka teže, a 13 lakše povrijeđeno.

Starosna struktura lica povrijeđenih u saobraćajnim nezgodama je sljedeća: od 31 do 40 godina – 24 lica, od 25 do 30 godina – 23 lica, od 51 do 65 godina – 11 lica, od 18 do 20 godina – devet lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 700 nezgoda u kojima su 52 lica povrijeđena, na magistralnim putevima – 133 nezgode u kojima su 32 lica povrijeđena, na lokalnim putevima – 89 nezgoda (tri lica povrijeđena), na regionalnim putevima – 29 nezgoda (šest lica povrijeđeno) i na putevima koji se ubrajaju u kategoriju ostalih – 44 saobraćajne nezgode (dva lica povrijeđena).

UZROCI SAOBRAĆAJNIH NEZGODA

Od ukupno 995 uzroka saobraćajnih nezgoda, 142 su zbog neprilagođene brzine (32 lica povrijeđena), sedam zbog uticaja alkohola (tri lica povrijeđena), dok uzroci za 846 saobraćajnih nezgoda spadaju u kategoriju ostalih (60 lica povrijeđeno).

Evidentirano je 58 saobraćajnih nezgoda (tri manje) u kojima su učestvovali inostrani vozači i dvije saobraćajne nezgode u kojima su učestvovala vozila međunarodnih organizacija (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca jula 2017. godine, kontrolisano je ukupno 20.515 vozila (1.395 manje), 3.402 lica u vozilima (381 manje), izvršen je pregled 216 vozila (181 manje) i 205 lica u vozilima (122 manje).

Zbog tehničke neispravnosti iz saobraćaja je isključeno 27 vozila (29 manje), 161 vozač je zatečen da upravlja vozilom pod dejstvom alkohola (138 manje), 421 bez korištenja sigurnosnog pojasa (198 manje), 85 bez položenog vozačkog ispita (185 manje), 167 vozača je učestvovalo u saobraćaju bez važeće registracije (89 manje) i sedam pod izrečenom zaštitnom mjerom (u istom mjesecu prošle godine ni jedan).

Zbog kršenja propisa iz oblasti sigurnosti saobraćaja uručena su 14.092 prekršajna naloga vozačima (3.745 manje u odnosu na juli prošle godine) i podnesena 32 zahtjeva za pokretanje prekršajnog postupka (15 više) i evidentirano je pet krivičnih djela zbog ugrožavanja sigurnosti javnog prometa (šest manje).

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca jula 2017. godine provodili aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručena su 6.692 prekršajna naloga (1.026 više), upozorena su 334 vozača (15 manje), a specijalnim vozilom "pauk" premještena su 203 vozila (pet više).

Takođe, pješacima koji su kršili propise uručena su 233 prekršajna naloga (116 manje), a upozorena su 132 pješaka (76 manje).

ZAKONITOST U RADU

Tokom mjeseca jula 2017. godine, registrovana su tri napada (isti broj) na policijske službenike. U napadima su učestvovala tri punoljetna lica koja su lišena slobode.

Policijski službenici su u tri slučaja upotrijebili silu (jedna manje):

-fizičku snagu i sredstva za vezivanje – tri puta.

U dva slučaja upotreba sredstava prinude je opravdana, dok je u jednom slučaju (upotreba fizičke snage i sredstava za vezivanje), postupak opravdanosti upotrebe sile u toku.

Tokom mjeseca jula 2017. godine, za šest predstavki (dvije više) je data saglasnost da se sprovede unutrašnja istraga. Postupano je po 19 predstavki iz ranijeg perioda, tako da je razmatrano ukupno 25 predstavki (13 više).

Okončano je devet unutrašnjih istraga, među kojima su četiri osnovane, tri su bile bez dovoljno dokaza, u jednom slučaju predstavka je neosnovana, dok je u jednom slučaju stranka odustala od žalbe.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U mjesecu julu ove godine evidentirano je osam djela regulisanih ZONDINOIM-om (isti broj djela) počinjenih od strane osam lica od kojih je sedam povratnika u činjenju krivičnih djela.

U sklopu aktivnosti na oduzimanju nelegalno posjedovanog oružja i drugih predmeta oduzeto je: jedno teško oružje, pet pištolja, dvije puškke, 22 „noža, mača i sl.“, jedna ručna bomba, 77 komada municije raznog kalibra, itd.

U izvještajnom mjesecu fizičkim licima izdato je 111 odobrenja za nabavku vatrenog oružja i 81 oružni list.

RAD POLICIJE U ZAJEDNICI

U okviru Rada policije u zajednici, policijski službenici MUP-a Kantona Sarajevo su tokom mjeseca jula 2017. godine preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, nevladinim organizacijama, raznim udruženjima građana, predstavnicima vjerskih zajednica, školama, i dr.